



Bosna i Hercegovina  
Federacija Bosne i Hercegovine  
Srednjobosanski Kanton/Kanton Središnja Bosna  
**OPĆINA BUSOVAČA**



Ul. 16. august/kolovoz bb, 72260 Busovača, telefon 030 732 152, fax 030 733 038 [opcina.busovacal@tel.net.ba](mailto:opcina.busovacal@tel.net.ba)

**Služba za lokalni ekonomski razvoj, obnovu i raseljene osobe**

Broj: 03-Sl./26

Busovača, 25.05.2026. godine

**O B A V I J E S T**

Obavještavaju se poljoprivredni proizvođači sa područja općine Busovača da je Federalno ministarstvo poljoprivrede, vodoprivrede i šumarstva objavilo Program novčanih podrški po modelu ruralnog razvoja za 2026. godinu.

Pravo na novčanu podršku mogu ostvariti fizička i pravna lica upisana u Registar poljoprivrednih gazdinstava i Registar klijenata, koja ispunjavaju uslove propisane Programom podrški („Službene novine Federacije BiH“, broj 32/26), i Pravilnikom o uslovima i načinu ostvarenja novčanih podrški po modelu ruralnog razvoja („Službene novine Federacije BiH“, broj 39/26).

Za ostvarivanje prava na podršku za nabavku poljoprivrednih mašina i priključnih uređaja, kao i opreme za biljnu proizvodnju, stočarstvo ili ribarstvo, uslov je da je poljoprivredno gazdinstvo u prethodnoj godini bilo korisnik novčane podrške po modelu podrške proizvodnji na kantonalnom ili federalnom nivou. Ovaj uslov se ne odnosi na poljoprivredna gazdinstva koja su upisana u Registar poljoprivrednih gazdinstava (RPG) nakon 31.03. prethodne godine (nova gazdinstva), dok svi ostali (stara gazdinstva) moraju biti korisnici gore spomenute novčane pomoći.

**Podrške se odnose na:**

- investicije u poljoprivredne mašine i priključne uređaje za biljnu proizvodnju i stočarstvo – rok za podnošenje zahtjeva: 05.06.2026. godine,
- investicije u opremu za biljnu proizvodnju, stočarstvo i ribarstvo – rok: 05.06.2026. godine,
- kupovinu rasplodne stoke – rok: 05.08.2026. godine,
- izgradnju, proširenje i opremanje objekata na poljoprivrednim gazdinstvima – rok: 05.08.2026. godine,
- podizanje višegodišnjih nasada – rok: 05.08.2026. godine,
- investicije u građevinske objekte i opremu za prehrambenu industriju – rok: 05.08.2026. godine,
- ulaganja u poljoprivredna gazdinstva u izrazito siromašnim područjima sa nerazvijenom poljoprivrednom proizvodnjom – rok: 05.08.2026. godine,
- podršku za pokretanje poslovanja mladih poljoprivrednika – rok: 05.08.2026. godine,
- diverzifikaciju ruralnih aktivnosti, preradu i doradu poljoprivrednih proizvoda na gazdinstvima – rok: 05.08.2026. godine,
- podršku za osnivanje poslovnih subjekata u ruralnim područjima – rok: 05.10.2026. godine,

- certifikaciju organske proizvodnje – rok: 05.10.2026. godine.

Minimalna vrijednost investicije za fizička lica i obrte iznosi 4.000 KM, dok za pravna lica iznosi 10.000 KM.

Osnovni iznos podrške iznosi do 40% prihvatljivih troškova ulaganja, uz mogućnost dodatne podrške do 10% za:

- mlade poljoprivrednike,
- žene nosioce gazdinstva,
- porodice sa troje i više djece,
- ulaganja na nadmorskoj visini iznad 600 m.

Zahtjevi se podnose Federalnom ministarstvu poljoprivrede, vodoprivrede i šumarstva, Hamdije Čemerlića 2, 71000 Sarajevo, lično ili putem preporučene pošte.

Sve informacije, obrasci zahtjeva i detaljan Vodič dostupni su na službenoj stranici Federalnog ministarstva poljoprivrede, vodoprivrede i šumarstva: [www.fmpvs.gov.ba](http://www.fmpvs.gov.ba), kao i u uredu broj šesnaest u Općini Busovača ili na broj telefona 030/719-432

Pozivaju se zainteresovani poljoprivredni proizvođači da blagovremeno pripreme potrebnu dokumentaciju i podnesu zahtjeve u propisanim rokovima.

Po ovlaštenju načelnika  
POMOĆNIK OPĆINSKOG NAČELNIKA

Blaženka Pavlović, dipl.ing.